



Орган Лемковского Союза.

Выходит в каждый четверг.

Редакция и администрация в Крыници. — Адрес „Лемко“ Крыница.

Пренумерата в краю:
50 грошей місячно,
2.50 зл. полрочно,
5 зл. рочно.

В Америці: 1 дол. полрочно,
2 дол. рочно.

В Чехословакии:
3 кор. місячно, 15 кор. полрочно,
30 кор. рочно.

Конта чековое Нр. 404.155.

Роботы над отдолженьем рольництва.

ест того, же не вшитых кредиторов обявуе тот закон, што утруднят нераз газдам користане з того закона. До того часу резложено на долги сплаты — долги газдам в сумі 46 миллионов зл, котра то сума являть лем малом частью цілого задолженя.

На конференциях тых усталено, што трактоване каждого господарства отдільно резвалекат справу за долго и через цілый тот час должник платит высокы проценты.

Ухвалено отже, же тот способ ведения отдолженьевой акции ест за дорегый и дае мало каристи.

На конференциях пришли до заключения, же купцы и дробны кредитеры, уділячи товарого кредита вызыскуют дробного рольника, побераючи от него лихварекы проценты в натуралиях и в формі отробку. Маюг сии также возможность дописовати сумы на даваных им невыполненных векслях. Бываюг также случии, же малогородскы купцы принимают от газды землю за долги.

Если ходит о громадскы касы, касы коммунальны, то спостережено, што сии побераюг за высокы проценты, котры повинни быти обнижены.

Тото само dotyczyт кредитов „цілевых“ н. пр. мелiorацийных, котры нераз перевышяюг вартость земли.

Роботы над устраниением вышше вычисленных недостатков будут переведены в ближайшой будучности. Помиме того, што недостатки существуют, то однак дотеперешна акция финансово-рольна спасла барз дуже рольников перед знищеньем. Особанно видно тото в діяльности „Urządow Rozjemczuch“, котры вздержали лицитацию претив малым господарствам в 61.229. случаях. Банк Акцептацийный уділил кредит тым институтам, котры раскладели на долги сплаты вшителности должникам на суму парешло 40 миллионов зл.

Сумуючи вшитко, належит признати, же робота над отдолженьем села иде повели наперед. Трудности нясуват саме житя и коллания господарчы, котры однак на счастья стаюг ся шторазменьши.

Найважнійше адже тепер ест обнакомити людей на селі с тума законами, котры можуг им помочи. Тото повинни зробиити наши проводыры на селах.

Закончене нарад Малой Антанты.

В склад Малой Антанты вхедят три державы: Чехо-Словакия, Югославия и Румыния. Министры закордонных діл тых держав стбыли нараду, на котрой они радили над теперешним положеньем Европы. Они пришли до заключения, што в политичном положенью Европы наступила незначна перава и што ест надія уникнути войны и загварантовати Европі сталый спокой. До того, як признае Совіт Малой Антанты, причинили ся в головной мірі Франция, Англия и Америка.

В часі нарад Совіт Малой Антанты, постановил: 1) приложити вшиткы силы до того, жебы конференция о розоруженю закончила ся подписаньом конвенции, 2) вести переговоры с отдільными державами, направлени до умоцнения загального мира, 3) еструдничати над экономичным оздоровянем Европы, 4) спротивляти ся приверненю к власти родины Габсбургов и 5) укріпати и розвивати приятельскы отнешеия со сусідниина державами.

Дальше Совіт принял до відомости початок нормальных дипломатичных отнешеия медже Румыниом, Югославиям и С. С. С. Р.


Наступна конференция (нарада) Совіта Малой Антанты отбуде ся в вересні того року в Женеві.

Перед морском конференциом.

жадания японии.

В Лондані почали ся уж переговоры о скликанию в 1915 р. новой морской конференциии и як подзе газета „Таймс“ Япония хоче поставити на той конференциии жадаия, штобы вшиткы державы мали лем такую сколыкость кораблей, яка ест выстарчаюча для ей потреб.

Против тому выступат Америка, котра твърдит, же таке постановлене, штобы вшиткы державы мали однакове количество кораблей ест несправидливе и давалобы Японии



В місяцях квітню и маю отбыл ся ряд нарад и конференциии всеводскых комитетов для обсудженя справ финансово-рольных. Тоты нарады и конференциии взяли собі за ціль сосумовати сягнени результаты в борбі с отдолженьем рольництва, переконати ся, якы спостережено недостатки в той борбі и справдити, ци льготы признаны рольникам сут выстарчаючи в виду теперешних цін продуктов рольных. Конференциии тоты взяли под увагу 16 всеводскых комитетов.

Значене тых нарад ест для газдов велике, што признали сферы правительственны. В нарадах тых брали участь так представителі рольництва, як и институций кредитовых и одны и другы згодно привняли же дотеперешни законы финансово-рольны маюг недостатки и педали, як теты недостатки устраниити.

Институциии кредитовы выповіли, што они згаджаятся помочи задолженим рольником и зауважили притом, што часто трудности повстаюг по той причині, што люде на селі не сут обнакомлены з законом о льготах в сплачаню долгов. Помоч, яку сказано рольництву, дано ддятого, бо рольництво творит в Польщі основну галузь продукциии, жерело удержаня великой части населеня и головный фактор нашего розвитка господарчого.

Тото стае ся причинем стараня, штобы вшиткы средства, якы ухвалил закон были совсім и скоро выкористаны. — Довід выказуе однак, што не вшиткы люде на селі энюг добрі закон о льготах в сплачаню долгов и тото може стбити ся некористно на цілой господарці рольней. — Обвяжком отже каждого, кто интересуе ся справами нашего нарада ест запознати ся з законами отдолженьовыма и запознавати людей з тума законами.

Спостережено в часі тых нарад, што от того часу, кели вышол закон о отдолженю сел, условия на селі не колпшили ся, але на оборот ціны рольных продуктов ище упали, што казалобы обнижити процентеву ставку от рольных долгов, а также продолжити час переназначеный на сплату долгов.

Другим недостатком дотеперешного закона

перевагу, бо флоту Японії приходится оперувати лем на Тихом океані втотчас, коли американцям в Атлантичному і Тихом, а Англії праві на вшитких морях цілого світа.

ПОЛЬСКО-АВСТРИЙСКИЙ ТОРГОВЫЙ ДОГОВОР.

До Відня вернула с Варшавы австрійська делегация, котра вела переговори с польськими промисловними сферами.

Віденська газета: „Н. Фр. Прессе“ подає, же австрійської делегации удало ся заключити с Польщом торговий договір и што тот договір буде проведений в жизнь в найближшом часі.

ВОЕННЫ ДОЛГЫ.

Термін уплати воєнних долгов Америці припадат дня 15 червня. Того року со вшитких держав заплатила Америці рату лем одна Финляндия.

С того поводу пише газета „Возрождение“. Тото не значит, якобы державы, уважали, же тых долгов не треба платити. Ни Англія, ни Франція не перечат, же тоты долгы Америці належат ся; они жадають лем пересмотра и поправок самих условий платежа.

Англія выслала в той справі писмо до Америки, на котре отповіл президент Рузвельт, — же новы предложєня, як належит долгы сплатити, мають подати должники, то зн. европейскы державы и што Америка прийме на сплату тых долгов кромі грошей также и товары.

Парижска газета „Журналь“ пише, же тот крок през. Рузвельта становит поворотный пункт в американской, економичной политичі,

Американцы начинают розуміти, што не можна все продавати, нич не покупаючи, и што занадто высока оплата от тых товаров, якы приходять с других держав до Америки, ваят ся головном причином застою в торговлі. Тому то они годять ся на частичну сплату долгов товарами. Не легка то буде справа, бо в ноті американской перебиват ся ясно, што американцам не розходить ся отото, штобы помочи должникам сплатити их, а радше о тото, штобы помочи американським фермерам и фабрыкантам розширити их заграничны рынки. Але тото они не можуть зроби́ти без увеличения трудности в плаченю дотеперешних долгов.

С того видно, же и при сплаті долгов частично товарами трудно буде найти способ, котрый облегчил бы теперешне положєне. Тота уступка со стороны Америки свідчит лем о їй доброй волі.

НАЗНАЧЕНЬЕ ЕПИСКОПА ДЛЯ ЛЕМКОВЩИНЫ.

В остатной хвилі довідуєме ся, же О. Др. Масцюх зостал назначений Апостольським Администратором для Лемковщины.

О. Василий Масцюх, уроджений в Новой Веси, новосандецкого повіта вышол с поделянской стріхи.

Гимназию окончил он в Новом Санчі, св. богослове во Львові и Відні, где получил

степень доктора св. богослова. Яко ученый богослов стал ся знымым в богословских кругах и университет во Львові назначил его доцентом каноничного права.

О. Д-р Масцюх не таил своих русских переконань и австрійскы власти с выбухом світовой войны интерновали Его с тысячами нашего народа в Талергоф.

По войні О. Д-р Масцюх был професором в духовной семинарии в Перемышлі. Его рускы переконаня были червеном плахтом для гр. кат. консистории, в котрой по войні запановал всеціло украинский дух.

О. Д-р Масцюх усунул ся с Перемышля на село и обнял парохию Горожанна Велика коло Комарна, где трудился научно и действовал серед народа.

Мы [витаем сердечно Нашого Владыку! Наши мечты исполнили ся, наши стараня отнесли успіх!

ПАМЯТАЙМЕ О ПОДОРЮВАНЮ.

(ПОКЛАДАНЮ)

ПОДОРЮВАНЬЕ ПОПРАВЯТ ПОЧВУ И УВЕЛИЧАТ ЗЕМЛЕПЛОДЫ.

Добрий газда укладат собі цілу роботу при управі рослин так, штобы выстарчило ему часу на вшитко. Особенно в том часі, коли начинаются сінокосы и коли газда мае найбільше работы, мусит он наперед розложити собі роботу, штобы не бракло часу на жадну роботу и штобы жадной работы не оминуты ани не опознити.

Вшиткы знаме, што нераз на двох сусідних грунтах ест не еднакий урожай. Діє ся тото ддятого, бо оден сусід обробил свой грунт ліпше, а другый горше. Знате ест, же добра и старанна управа грунту причинят ся до побольшения урожая, а тото преця нич не коштує, кромі работы.

Одном с таких занедбанных и легковаженных в наших господарствах сельских работ ест подорюване. Кто хоче мати больший доход со свого поля, тот мусит уж тепер помисліти о подорюваню свого поля, котрого не можна оминуты. Подорює ся як найплытше и раз по зобраню зерна с поля. Таке подоране поле належит зараз поборонити вздолж загонов, а в 10 до 15 дней познійше впоперек. Если в землі ест пырий, то треба его выбрати культиватором або пружиновыми боронами. Коли поле зазеленит ся перками пырию, треба зас поборонити. Если пырию ніт, выстарчит боронити двараз. Бурян може рости аж до выданя цвіту, бодай он не выдал насіня. Коли бурян зацвисте, треба поле зорати под засів озимины. — Если ест сухо, треба поле по другом побороненю перейхати валом, штобы бурян посходил, бо лем втотчас мы его вынищиме.

Через таке подорюване хорониме землю от надмірного высыхания, стерень и трава гниют и збогачают землю в материи органичны и при том нищиме дуже хвастов, котры по выросненю, перед выданьом насіня, приорюєме. Одним словом подорюване причинят ся до поднесеня землеплодов.

Поміщайте оглошеня в газеті „Лемко“.

Кто хце прислужитися нашей газеті нехай зберат оголошеня з міст и сел повітов Леско, Сянок, Кресно, Ясло, Горлиці и Нувый Санч.

Памятайме о старости.

Тяжкы часы, трудно выжити, а уж о том, штобы стложити даякий греш на стары роки, ніт бесіды. Але с другой стороны все не будеме молоды, колиси приде старость, а с ньом утрата сил и поменшена способность заробкованя. Треба бы адже конечно призадумати ся над тым, штобы тота старость была спокойна и обезпечена и штобы в той старости не треба было бідовати и примерати от голода. Треба над тым думати особенно тепер, коли часы сут такы, же грош отлжити трудно.

Сут на світі такы народы, н. пр. Французы, же они вшиткы шпаруют и же там ніт ани одного, котрый не малбы зложеных меньше або больше грошей. Мы повідаме, же у нас біда втотчас, коли не маме што їсти, а Французы наричут на біду, як не могут откладати. Там аж и каждый работник, каждый хлопец, котрый продає по місті газеты, сірники и т. д. откладат со своего заробку якуси часть и стаєся по якомси часі капиталистом. Там тыж мае каждый отложеный грош на несподіваны потребы, як наука дітей, вывіноване дівчат, помоч лікарска в случаю хвороты и т. д.

Мы того обезпечєня не маме и ддятого нераз попадаме в біду. Часто случает ся, же можна бы было выдати добре замуж дівчину, або оженили сына, але штож—ніт жаданого віна, ніт приданого и дівчина сидит дома, нарикат на отцов и жде, як то повідають змилованя Божого.

Горше быват ище часто, коли отец умерат молодо и лишат несчесну вдову с бідными дітми. Втотчас то біда пхат ся уж до хыж и окнами и дверми.

А преця при розумной господарці можна тому зарадити. Не ест то легко откладати малы сумы каждого року, ци місяца, але поволи человек втігатся до того, привыкат, и так як на податок, так и на ошадность найде и роздобуде деси тот грош. В початках иде то так трудно, же без примусу того не зроби́т, але поволи уж сама тота гадка, же маєся якуси помоч на чорну годину, додає охоты до дальшой ошадности.

Штобы быти початково под тым примусом, штобы привыкнути до ошадности, найліпше ест заасекуровати себе або діти в асекураційном товаристві. Повинни тото зроби́ти передовсім вшиткы тоты, котры не мають мастку, вшиткы ремесельники, вшиткы работники так умственны як и физичны. Повинни тото зроби́ти тоты, котры хотят посылати діти до школы, штобы мати грош на дальшу науку, повинни зроби́ти тото родичы дівчат, штобы мати ддя них віно, повинни наконец зроби́ти тото вшиткы, штобы мати спокойну старость. Але не вшиткы асекураційны товариства дають тоты самы условия, одны товариства жадають вышших вкладок, други годять ся на вклады низши. Тому то в таких случаях не треба вірити рижным агентам, лем порадити ся когоси такоого, кто розумієся на тых справах. Кромі того треба, як и в каждом иншом ділі организации, бо лем втотчас можна быти певным, же нас никто не выкористат, же с того буде мати каждый отдільно користь, а кромі того користь може мати также организация, яко така.

Штобы адже справу асекурації поставити на рациональны торы и штобы поднести добробыт так поодинокых наших людей, як и нашей лемковской организации, Лемковский Союз в Горлицях заключил умову с товариством асекураційным „Вита и Краковске“

в Варшаві — відділ во Львові, котре то товариство дає нам найліпши условя асекурации на жите и асекурации от огня, крадежи с влманьом, градобитя и инших.


Кромі низких вкладок асекурацийных товариство „Вита и Краковске“ зобовязало ся затруднити для той ціли наших людей, чим поможе не одному с нас до здобытя егзистенции. Многы нашы студенты найдут заробок, котрый даст им возможность укончити науку, Лемковскому Союзу зас даст возможность основати асекурацию худобы от выпадку, шtbody можна было поратовати нашого газду в разі вздутя або иншой хвороты домашних звірят, даст му наконец по якомси часі возможность основати свое власне товариство асекурацийне, шtbody грош вплачаний через нас ишол на наши культуральны и эконсмичны ціли, а не до чужих рук.

Тому то завзываеме вшиткых наших людей творити и спомагати свое власне товариство асекурацийне через асекуроване себе в товар. „Вита и Краковске“ котре ест реасекуроване в Швайцарии в Цуриху и має основного капитала два и пол милиона зл. и резервы.

Тоты вшиткы, котры сут до тепер асекурованы в других товариствах могут зредуковати свою асекурацию до вплаченой сумы, а на решту эасекуровати ся в товаристві „Вита и Краковске“, при чом не поносят никакой страты.

Инспектором того товариства на Лемковщину ест наш знаний патриот Г-н Михаил Перелом в Сяноці, до котрого можна относити с полным довірем.

За близшима информациями належит звертати ся до Лемковского Союза в Горлицах, або до редакции газеты „Лемко“ в Крыниці.



Отношения Советско-Японскы стают ся зас напряжены.

В отношениях советско-японских зауважат ся в ostatnich часах напряжене. Недавно арештовано в Токио одного выдаючогося члена товариства культурального сближения советско-японского.

В звязи с тым появилася в токийских газетах вість, котру потвердил комунікат японского министерства внутренних діл, котра зашмарюе послу амбасады советской, же тот посел утримуе отношения с японскыма комуністами.

Одновременно в Японии начато высвітляти пропагандовый фильм, в котром представят ся рост силы милитарной и промышленной союза советского. Фильм тот называт праса московска антисовітским (против советским).



Глядам хлопца до друкарні

„Пржишлосць“

Крыница Здрой :-: вилла „Рингуфка“

Практичны рады для газдынь.


Плямы со смару усуватся так: місце поплямлене натетрат ся маслом, а коли мазь распустится, пере ся в теплой воді с мылом. Погодивше цілу штуку переме, як звычайно, в воді с мылом и выполокуеме в мягкой воді.

Плямы с травы можна устранили бензином и горячом водом с мылом.

Плямы с цукру устраниатся через выполокане материялу в горячей воді.

Плямы с кырви: Намочити в літной, мажкой воді и прати без мыла. Потом выпрати, як звычайно.

Зупа яринна: Ріжны ярины, як морков, петрушку, селеры, каларепу, свіжу, пошатковану капусту, зеленый горшок, картофлі, листе с молодых цвекловых бураков, бурачкы и инши покраяти в костку, подляти водом, додати кус масла и варити в парі, аж будут мягкы. Зварены посолити до смаку и заляти сметаном, в котрой расколотило ся кус муки. Если ніт сметаны, належит зробити запражку на маслі, котру заливат ся кипячом водом.



Складайте Ваши ошадности в коммунальной Кассі Ошадности в Крыниці.



ОНА ДАЕ ПОЛНУ ГАРАНЦИЮ,
ПЛАТИТ ДОБРЫЙ ПРОЦЕНТ —
И ВЫПЛАЧАТ ЗАРАЗ ВЫПО-
ВІДЖЕНЫ ГРОШЫ.

УДІЛЯТ ОНА ТАКЖЕ
ПОЖЫЧОК НА НЕВЫСОКЫЙ ПРОЦЕНТ.

НА ПРОДАЖ ТИПОГРАФИЯ

БЛИЗШИХ ИНФОРМАЦИИ УДІЛЯТ РЕДАКЦИЯ ГАЗЕТЫ „ЛЕМКО“
В КРЫНИЦІ.

Слідство в ділі убийства міністра Перацкогo.

Слідство в ділі убийства бл. п. мин. Перацкогo ведеться барз енергично при участі видаючих ся представителів прокуратури, поліції и других властей безопасности.

Дуже можливе, што в найблизшом часі удасть ся притримати и привлечь до ствітственности преступника.

На разі всяди так в Варшаві, як и на провинції розпускають люде ріжні слухи о вигляді преступника и его спольниках. Слухи тогы сут неправдивы.

Як подають польскы газеты, результат слідства буде поданий лем по уконченю слідства.

Стан здоровя поліціянта Обремского, котрого ранил в руку убийця бл. п. Міністра не ест небезпечный и Обремский в коротком часі выйде со шпиталя.

Арештованя украинцов.

Помимо арештованя украинцов во Львові, украинцы в других містах не перестали своей діяльності, котра в остатних часах проявляється в виді демонстрації.

Тото приневолило власти безопасности глядати руководячий тума демонстраціями центр.

Переведены в Кракові ревизии дали властям безопасности обширный материал: документи, писма и т. д.

При ревизиях найдено хемичну лабораторію, в котрой вырабляли выбуховы материалы.

Поарештовано дуже видных членов руководячого центра О. У. Н. (Организация украинско-народова) а также килькох студентов хемичного факультета Ягеллонского университета.

ДВА ОБОЗЫ ИЗОЛЯЦИЙНЫ.

На основе выданого через Президента декрета о обозах министерство внутренних дел приступило уж до утвореня двух обозов изоляційных и до назначеня управителей тых обозов. По законченю работ, што наступит в коротком часі, будут поданы до відомости місця, в котрых маюг находиться тоты обозы. Регулямин для тых обозов выдает министр справ внутренних разом с министром правосидия.

НОВЫЙ МИНИСТЕР ВНУТРЕННЫХ ДІЛ.

Газеты доносят, што премьер Д-р Ксёловский не мае наміреня задержати для себе теки министра внутренних дел и што назначеня министра внутренних дел належит сподівати ся в протягу двух найблизших неділь. Найправдоподобнійше министром внутренних дел зостане назначеный ктоси, ознакомлений практично с задачами державной администрации.

РОЗПОРЯДЖЕНЬЕ ОТНОСЯЧЕСЯ ДО КУПНА НЕДВИЖИМОСТЕЙ.

Министерство Правосудия выдало розпоряджене, ствітно котрому ипотечны отділы при судах маюг жадати от купуючих грунты, дома и инши недвижимоности посвідченя, што они сут гражданами польской державы.

Розпоряджене тото выдано для того, бо ест дуже случаев, што землю и недвижимоности в Польщі куповали иностранцы и маюг переходит в чужы руки.

СОВІТСКЫ ЗАМОВЛЕНЯ.

Подписанный договор медже Польшом и С. С. Р., в силу котрого Польша продала Совітам електротехничных материалов на суму 400.000 зл. За товар платят Совіты готовком.

ШТРАЙК В ШОЛКОВЫХ ФАБРЫКАХ.

В Лодзи заштрайковали работники шолковых фабрык. Перервано роботу на 60 фабрыках, на котрых робило перешло 4.000 работников.

Зловили злодіев.

Недалеко Рыманова в лісі поліція арештовала трох злодіев, котры недавно обокрали церков в Завадці Рымановской.

Троцкий дальше во Франції.

Француске правительство позволило Троцкому на дальший побыт во Франції.

Килько ест министров во Франції?

Во Франції ест 235 лиц, котры были министрами и берут пенсию министра.

С Букарешта доносят, што король румынский, Кароль выйде с официальным визитом до Парижа.

На місце дотеперешного амбасадора німецкого в Москві Надольного, котрого дано на пенсию, назначено гр. фон Шуленбурга.

Штрайк курячих во Відни: В Австрии дуже курячих хотіло запретестовати против высоким цінам дугану и перестало курити. Полиция довідела ся на трафиках, кто не курит и розослала им повідомленя, же евли они не зачнут курити, то правительство наложит на них кару по 500 шилингов, або по 3 неділі арешта. Вот што значит сильна власть!

СМІШНЕ.

Правда.

- Якы у тебе средства до житя?
- Крімі доброго жолудка ніт нияких.

Медже знакомыма.

- Ци ты куриш?
- Давнійше я курил, але перестал, бо ст дугану человек глупіе.
- Але ты, здається позно перестал.

Загадка.

- Яка ест ріжниця медже псом и клеветником?
- Пес бреше в счи, а клеветник поза счи.

Два языки.

- Ци то правда Г-н профессор, што вы да ете собі раду со воіма новыма языками?

- Так, крімі двух.
- А котры то языки ділают вам таку трудность.
- Язык моей жены и тещи. (Ей матери).

З улиці.

- Килько коштуе тебе капелюх?
- Не знам, бо купца не было втотчас в склепі як я его куповал.

НА ПРОДАЖ:

В Высові повіт Горлицы продається
8 моргов скомасованой землі
в одном кавальци.

Близших информации уділят на місци
в Высові управ. школы Г-н Полошыневич
и в Горлицах Д-р Ярослав Сьокало.
Часть землі надіється на будовляны парцелі.

KRYNICA-ZDRÓJ

Pensjonaty: willa „Karpacka“ i „Złota Brama“, centrum zdrojowiska, tuż nad deptakiem, w pobliżu łaźni i zdrojów. Bieżąca zimna-ciepła woda. Werandy. Pobra kuchnia, na żądanie djelatyczna. Ceny niskie.

KRYNICA

PAŃSTWOWY ZAKŁAD ZDROJOWY W BESKIDACH ZACHODNICH.

Dojazd pociągami pospieszonymi przez Tarnów — Nowy Sącz — Wagony Sypialne.

15 źródeł szczaw żelazisto-ziemnych, bogatych w bezwodnik węglowy. Zdrój „Zubera” najsilniejsza szczawa alkaliczna Europy. (Polskie Vichy) — Kąpiele mineralne kwaso-węglowe i borowinowe. — Zabiegi lecznicze i kąpiele słoneczno-powietrzne. — Zakład elektro- i heljoterapii — zaopatrzone w najnowsze przyrządy. — Zarówno łaźienki jak i pijalnia wód zaopatrzone na zimę i ogrzewanie w chłodnej porze.

DOM ZDROJOWY: pokoje z wodą ciepłą i zimną, restauracja, dancing, czytelnia, radio. Teatr stały w sezonie głównym, koncerty, kino, sporty letnie i zimowe.

WSKAZANIA LECZNICZE: choroby serca i naczyń, choroby przemiany materji, choroby żołądka, jelit i dróg żółciowych, choroby dróg moczowych, choroby kobiece, niedokrwistość i wyczerpanie nerwowe.